

DEO OPTIMO MAXIMO UNI ET TRINO, VIRGINI DEIPARÆ,
ET SANCTO LUCE ORTHODOXORUM MEDICORUM PATRONO.
QUÆSTIO MEDICA.
CARDINALITIIS DISPUTATIONIBUS MANE DISCUTIENDA
IN SCHOLIS MEDICORUM. DIE JOVIS XXVI. FEBRUARII MDCXXII.

M. RAYMUNDO-JACOB FINOT; DOCTORE MEDICO, PRÆSIDE.

An Frictus sit salutaris?

TANTA est proptio, liquidum inter & firmum, firmum & firmum diversis & ejusdem generis, liquidum & liquidum cujuscumque generis, inter partes corporis quodam molem, duritiem, numerum, situm &c. ut amborum uno mutato mutetur & alterum necesse sit. Utrumque quot habeat phases infandum! Qualis utriusque commutatio vix dicendum! Amborum vicissitudines, ex uno in alterum transmutationes, inter utrumque analogiam, proportionem, comparationem, similitudinis atque dissimilitudinis diversos respectus enarrare quis poterit? Multifariam enim multisque modis alterantur, corrumpuntur, generantur, atque metamorphosi omnimodâ, tot tamque diversis quinimodò omnes formæ educuntur & materia penu quæ est omnium corporum subiectum, eorumque proprietatum fons & origo, quippe quæ omni & soli corpori communicatur multigenis variata figuris, modò enim simplex modò diversa sentitur, uniformis modò, modò varia, homogenea, heterogenea, constans, mobilis,

Non quod multa parum simili sint prædita formâ.

Loc. l. a. v. c. 136. 137.

Sed quia non vulgò paria omnibus omnia constant.

materia enim nusquam destruitur, neque cadaver est, neque sepulchrum sibi; nec Cælo, nec terris, nec aquis, sed ubique jacet; horumque nulla est, sed omnia: ipsa enim totius mundi hujusce aspectabilis pro theatro sese mutuò præbet atque subijcitur in quo personas omnes hujus comedie rectè regit author motus ex quo figuræ formantur, aggeritur moles, nascuntur tandem omnes corporis modificationes peritura, in nova corpora denuò mutanda. Ipse si quidem totus occupatur in corporum omnium conciliandis figuris, nihil quod penes eum non sit, totum & omne regit, gubernat, producit, destruit, naturâ tamen semper remanente constanti indestructibili cujus facies semper eadem.

CORPUS in partium ipsam componentium motu constanti perpetuoque consistens, pro ipsius motus quantitate, diversitate, modo, temporis spatio & aliis circumstantiis quibus afficitur tale aut tale in sua specie prædicatur: ipsum autem judicatur sanum pro hujusce systematis legum rectitudine aut ab ipsis deviatione. Vitam hominis quamdiu durat in partium corporis functionibus tum vitalibus, tum naturalibus, tum animalibus consistere, nemo est qui inficiatur: ipsas augeri, minui, vita superstit, deprehenditur, cum in iisdem sit ingens graduum diversitas; sanitas enim est facultas corporis apta omnibus actionibus perfectè exercendis, & omnes actionum illarum effectus ad motus determinatos & ad assumptorum immutationem revocantur. Status ergo corporis viventis habens facultatem exercendæ cujuscumque actionis dicatur sanus, cujus ideo est præsentia requisiti ad exercitium possibile actionis vel absentia repugnantis exercitio eidem; qui enim actiones homini proprias exercere valet cum facilitate, oblectamento & quâdam constanti cum sanum habemus, cum vero eandem exercere non posse aut tantum eas peragere cum molestia, dolore citaque defatigatione animadverimus, eundem vocari & esse egrotantem quis negaverit? Ut itaque actiones lic morbi distingui possunt, ut conditiones ad actiones, ita & harum defectus, qui enim haberet perfectè intellectas omnes conditiones requisitas ad actiones, ille perspicere clare defectum conditionis ex cognito morbo, & rursum bene caperet ex cognito motus defectu naturam morbi inde necessariò sequentis. Motus igitur mensura, naturæ mensura, unde sanitatis five subsistentiæ mensura.

ATQUI corporis exercitatio hanc constantiam in functionibus conservat & auget; si enim continetur solida & liquida in sua resistentiâ æquilibri, relaxando fibras crispatas; contrahendo filamenta partium soluturam, vacuando humorum redundantiam, sanguinis & humorum diathesim alterando, istorum citiores motum compeciendo, ipsum lentiores provehendo, utriusque partis molem augendo, minuendo, siue aliis quibusque modis vitam fervet, augeat, roborat. Omnes enim corporis partes ad sui ipsius sanitatem non solum contribunt efficiendam, sed ipsæmet partes naturaliter dispositæ & motu sunt sanitatis causa essentialis & proxima atque ipsissima sanitas; quæ pendet & rectâ sex rerum non naturalium administratione: ex istorum enumeratione principem locum tenent frictiones in moruum genere, quæ sunt levissimæ exercitationes quarum diversitas salubritasque desumuntur a tempore, loco, mensura, & modo quibus corpori adhibentur. Excretio crassiusculis juvenanda iis quæ magis excident fibras & solvant excernenda: præcipua sunt vapores, fatus, inunctiones, balnea concomitante frictu: juvenibus enim, senibus, & iis quibus viscera debilia, difficilis digestio, vita quieta, sedentaria, otiosa; hæc maxime profunt præsertim si habeatur ratio ætatis, temperamenti, consuetudinis, & aliarum circumstantiarum quæ pertinent ad Hygienem. In genere modus faciendæ frictionis definitur rubore & tumore, tunc enim à frictione abstinendum præsertim si corpus fragile fuerit reficiendum, si crassum extenuandum. Convenit frictio tempore hyberno & autumnio, depositis prius excrementis tum alvi tum vesicæ, tunc aut totum corpus aut pars fricanda lavanda, foras des detergendæ, & linteis modicâ compressione ac celeritate fricandum.

MULTE sunt frictionis species. Duplex tamen hic loci maxime consideranda venit, præparatoria scilicet & apotheraapeutica. Illa exercitationes præcedit ne quid rumpatur vel obstruat mutatione subita à quiete ad motum; etenim frictio ne exigua partes solidæ incalcescentes remollitur, excrementa extenuantur meatusque laxantur: hæc verò minoribus & blandioribus motibus perficitur cum olei perfusione quæ partes corporis humectat ac recreat; si quid hæret meatibus difficit & corpus à lassitudine tutum reddit. Si frictio fuerit mollis carnem laxat, mollit, meatus aperit; si fuerit dura cogit, fixat & adstringit; pauca carnem leviter remittit, redditque contredabilem; multa liquat, & extenuat & si dura simul fuerit contrahit, corporisque molem deprimit; mediocri verò modicè calefacit, distributionem juvat & carnem augeat. Frictio adhibetur ad reficiendum, vacuandum, revellendum. Nam quæ siccitas macerat perspirans artuum juvat frictio ut in partes externas sanguis distribuitur. Si purgatio universa aliquid reliqui fecerit frictione discutitur, eadem ratione capitis & aurium frictio marutina referatis cutis meatibus humores eliminat. Ad revellendum etiam advocatur frictio, forsâ enim materiem evocat ac digerit, quâ discussa alia in partem defrictam confluit: si totum corpus fricari convenit, primum cura à superiori parte deorsum, linteis non admodum molibus, sed modicè asperis, deinde & tota brachia ab humeris usque superne deorsum simili modo fricanda; at ubi artus omnes abundè calere videntur & metus est ne quis ex multitudine frictionis lassitudinis sensus superveniat, oleo utendum est: cum jam artus plurimum perficere fuerint, postea oleo detergentur. Inde ad dorsi spinam transeundum est, hæcque tota perfricanda similiter, ab hac rursum ad crura & hinc ad brachia, mox inde rursum ad spinam remeandum & ita quantum necesse est fricandum.

SICUT inchoante rachitide, existente phthisi, crescente senio, conducit introductio nutrimenti per apposta externa halitu, fove, balneo, clymate, unguento; ita purgationes cutis externe per frictiones, loturas, balnea, fomenta, natationes, detersiones egregie profunt. Capitis præsertim scalpura cum pectine retrorsum in vertigine, epilepsia, ophthalmia, aurium dentiumque doloribus, tonsillarum, gingivarum, uvæ inflammationibus, cervicis atque totius capitis fluxionibus. Collutio oris est quædam detersionis atque frictionis species quæ adhibetur in aphthis, & aliis dentium, lingue, palati, uvule & aliarum partium oris doloribus atque morbis. Quotidie cum tepida est prophylacticum oris; sicut & levis detersio oculorum, aurium, totius faciei, pedum manuumque axillarum & inguinum cum leviori frictione. Universas corporis partes suis mensurâ & modo sigillatim fricari oportet. Frictionibus enim color & calor nativi augentur, naturales actiones in toto corpore felicitè perficiuntur, excrementa expelluntur, exigui meatus purgantur, membra aluntur & sunt ad labores robustiora. Frictiones suppleant aëris & loci mutationi, deambulationi & aliis exercitiis à motu locali. Qui literarum studio incumbunt, qui morbo laborantes in cubili detinentur, aut qui saltationi, pilæ magnæ & parvæ ludio, deambulationi, equitationi, vehiculo five currui, lecticæ, navigio assueti hisce exercitiis non indulgent, eos fricari bonum est.

Ergo Frictus est salutaris.

Proponerebat Parisiis DAVID VASSE, Parisinus, Baccalaureus Medicus, A. R. S. H. 1722. à sextâ ad meridiem;

